

我身是時四禪婆羅門者舍利弗是時闍梨者今車匿是時一人願作羅漢者今日連是時天王釋化作獼猴願作馬者今健陟是時父王者今我父闍頭檀是時母者今我母摩耶是真陀羅者今裘夷是出經車

經律異相卷第七

靈七

神隼下俊字同 斤尺音 警各乾上去 詐反才故 窺關
 下音逾 反穎 領 喘 尺軟 駛流二上使史自撲
 下音繒綿上疾反 棺 欽 焯下力 躡反尼輒 徒跣下典先
 下音許既反虛下 莠 音堤塘下音音低 薨反兄朋 除
 鎮下渠反耆年上渠反 抗哀浪上反 躡地益上反 僉反 僉曰
 上七 劬 毗 齧 音詰 起一 無恙 向余 酷 苦篤 啖
 淡音絞切巧上反 瑕疵下疾斯加反 寵 曠 猛反俱 澡漱
 下音瘦 怖 悸 下衢 軟脆下疾斯加反 暇 音 幢 摩 為下詩
 蠕動軟上音 別 吾音月反又 賀 反莫 僂 幼稚下直 螫 各
 反共抄下楚反 無央良下於反 厭之檢上反 頭 莫 下音
 也名

二十一末

經律異相卷第七

靈七

經律異相卷第八

靈八

梁沙門寶唱等撰

自行菩薩部第一

陸陀波喩為欲聞法賣心血髓一
 藥王今生捨臂先世燒形二
 淨藏淨眼化其父母三
 羸提和山居遇於國王之所割截四
 無言受天誡誨依義思惟獲得四禪五
 常悲東行求法遇佛示導六
 善信東行為求半偈履泥不溺七
 一切世間現為師婦所愛違命致苦八
 焰先行吉祥願遇於女人退習家業九

題耆羅那頰提者二人共爭令五日闇
冥十

樂法捨諸寶飾以易一偈十一

為聞半偈捨身十二

久修忍辱割截不憂十三

賣身奉佛聽涅槃一偈割肉無畏十四

為聽法華經大地震裂踊現空中十五

為王採華遇佛供養十六

持戒發願防之十七

初發心勝二乘十八

三小兒施佛二發小心一發大心十九

幼年為鬼所迷二十

薩陀波隴為欲聞法賣心血髓一

薩陀波隴菩薩梁言常啼泣以求法即以成
名在大雷音佛所行菩薩道本求般若波羅
蜜時不惜身命不求名利空中有聲而誡誨
之我當何處求般若波羅蜜即憂愁啼哭經
過七日身體疲極乃至飢渴寒熱空中有佛

而語之言善男子過去諸佛行菩薩道求聞

般若波羅蜜如汝今日以是勤精進愛樂法

故供養般若波羅蜜曇無竭菩薩於此座上

說般若波羅蜜若有受持讀誦如說行者汝

從今者莫問晝夜不夕當得聞般若波羅蜜

我今貧無有物可以供養般若波羅蜜及說

法師不應空往我當賣身得財為般若波羅

蜜故并供養法師我世世喪身無數無始生

死中或死或賣或為貪欲世世在地獄中受

無量苦未曾為清淨法及供養法師故喪身

命即入一大城至市肆上高聲唱言誰欲須

人誰欲須人時惡魔作是念薩陀波隴愛念

靈八

二

法故欲自賣身我今當壞之魔蔽諸人民令

不聞其聲自賣身不售甚自憂愁釋提桓因

化作婆羅門語言我今欲祠天須人心人血

人髓汝能與不荅言我今得大善利即執刀

刺其左臂出血割右髀肉欲破骨出髓時一

長者女在門樓上遙見即下問菩薩何故苦

因自身用心血髓欲作何等答曰賣與婆羅門為般若波羅蜜供養曇無竭菩薩女問得何功德答曰是人善學般若方便力我學是法能得無上道為無上道為衆生作依上得金色身具諸功德分布是利與一切衆生等功德利女曰微妙難值為是功德應捨如恒河沙身汝若有所須盡當相與我亦欲往曇無竭所共殖諸善根釋提桓因即復本身讚言善哉男子諸過去佛行菩薩道亦復如是求我實不用人心血髓但來相試汝欲何求我當相與願我是身平復如故到長者女家女之父母與衆妙華香及諸瓔珞塗香燒香

播蓋衣服七寶妓樂女與侍人共往供養經及曇無竭曇無竭說般若波羅蜜及方便方薩陀波輪求水灑地而不能得即自刺身以血灑地令無塵埃來依大師出大品第十七卷

藥王今身捨臂先世燒形二

宿王華菩薩白言世尊藥王云何遊此娑婆

靈八

三

世界有百萬億那由他難行苦行願少解說佛言過去恒河沙劫有佛号日月淨明德彼國無有女人喜見菩薩於此佛法精進經行一心求佛滿二萬歲得現一切色身三昧皆是聞法華經力於虛空中雨曼陀羅華及海此岸栴檀之香以天衣纏身灌以香油而自燃身光明遍照八十億恒河沙世界是具精進真法供養其身火燃千二百歲過是已後其身乃盡一切衆生喜見菩薩法供養已化生此國淨德王家為父說偈

我先經行處 已得現身定 勤行六精進 捨所愛之身

日月淨明德佛今故現在即當還彼供養此佛坐七寶臺上昇虛空往到佛所合掌讚佛容顏甚奇妙 光明照十方 我適曾供養今復還親覲

佛告喜見我滅盡時至今夜涅槃我法囑汝舍利相付當令流布廣設供養喜見即以海

此岸栴檀積而燒之收取舍利作八萬四千寶瓶起八萬四千塔雖是供養心猶未足即於八萬四千塔前燃百福莊嚴臂七萬二千歲而以供養無數求聲聞衆無量人發菩提心皆得現一切色身三昧諸菩薩天人等見其無臂憂惱悲哀而作是言一切衆生喜見

菩薩是我等大師教化我者今不具足喜見菩薩於大衆中誓言我捨兩臂必當得佛若實不虛令臂還復當時三千世界六種震動天雨寶華時其兩臂平復如故佛告宿王華菩薩時喜見者今藥王是若有發心欲求無上菩提道者能燒手指乃至足一指供養佛

塔勝以國城妻子及三千國土山林河池諸珍寶物而以供養佛及菩薩辟支阿羅漢等

出法華經第六卷

淨藏淨眼化其父母三

乃往過去有佛名雲雷音宿王華智有王名妙莊嚴其王夫人名曰淨德有二子一名淨

靈八

四

藏二名淨眼是二子者有大神力福德智慧修菩薩道佛欲引導妙莊嚴王愍念衆生說是法華經時淨藏淨眼白母言願母往詣雲雷音宿王華智佛我等亦當侍從供養禮拜母告子言汝父信受外道深著婆羅門法汝等應往白父與共俱去母又告言汝等當念

汝父爲現神變於是二子踊在虛空高七多羅樹現十八變父見神力心大歡喜合掌向子言汝等師爲是誰二子白言雲雷音宿王華智佛今在七寶菩提樹下法座上坐說法華經是我等師父語子言我今欲見二子從空中下白母父王今已信解發菩提心我等爲父已作佛事願母見聽於彼佛所出家修道母言聽汝佛難值故於是二子白父母言願時往詣佛所親觀供養於是妙莊嚴王與羣臣眷屬淨德夫人與後宮嫔女并其二子四萬二千人一時詣佛佛爲說法示教利喜王大歡悅時王及夫人即解頸真珠瓔珞以

散佛上於虛空中化成四柱寶臺中有大寶
 床敷百千萬天衣其上有佛結跏趺坐放大
 光明時雲雷音宿王華智佛告四眾言汝等
 見是妙莊嚴王於我前合掌立不此王於我
 法中當作比丘精勤修習助佛道法當得作
 佛号婆羅樹王國名大光劫名大高王其王

壹八

五

即時以國付弟王與夫人二子并諸眷屬於
 佛法中出家修道王出家已於八萬四千歲
 常精進修行妙法華經過是已後得一切淨
 功德莊嚴三昧即昇虛空高七多羅樹妙莊
 嚴王今華德菩薩是淨德夫人光照莊嚴相
 菩薩是其二子者今藥王藥上菩薩是

出法華經

第七卷

彞提和山居遇於國王之所割截四

昔者菩薩時為梵志名彞提和山居樹下飲
 食果泉內垢消盡弘明六通得盡知之智名
 香普熏聞八方上下聖凡咨嗟擁護其國風
 雨隨時五穀豐熟災毒消滅王名迦黎入山

改獵馳逐麋鹿尋其足迹歷菩薩前過王以
 問之菩薩默然王曰當死乞人吾一國之尊
 問不時對默迹歷茲而伴低頭我勢能戮介
 時菩薩曰吾聽王耳曰介為誰乎曰吾忍辱
 人王怒拔劍截其右臂菩薩念曰吾志無上
 道與時無諍斯王尚加吾忍豈況黎庶乎願
 吾得佛必先度之不令眾生效其為惡也王
 曰君為誰答吾忍辱人也又截其左手乃至
 兩脚耳鼻血若流泉其痛無量無邊天地震
 動日月無明四天大王僉然俱臻同聲恚言
 曰斯王酷烈謂道士曰吾等誅之及其妻子
 并滅一國以彰其惡道士答曰斯何言乎此
 由吾前世不奉佛教加毒于彼為惡禍追猶
 影繫形矣黎民睹變馳詣首過齊聲而曰道
 士處茲襁災滅度愚君不識臧否不知去就
 惡加元聖唯願聖人無以吾等報上帝矣菩
 薩答曰王以兇酷見加吾心愍之猶母之念
 赤子黎庶何過不假有疑菩薩有弟處在異

山以天眼視睹天神龍會議王惡靡不懷忿懼兄有損德之心以神足力來至兄所取斷手足耳鼻著其故處弟還續之即復如本兄曰吾普慈之信于今著矣天神地祇靡不悲喜稽首稱善更相勸導受戒而退羣提和者吾身是弟者彌勒是王者拘鄰是也

盡八

六

出度無極

集第五卷
無言受天戒誨依義思惟獲得四禪五

時王舍城師子將軍家產一子當其生時虛空諸天作如是言童子常念法思惟法凡所發言莫說世事常當班宣出世之法常當守口慎言少語莫於世事起諸覺觀當依於義莫依文字亦時童子聞是不復涕泣無嬰兒相乃至七日色克和悅見人歡喜日未曾眴是時有人語其父母是兒不祥不應畜養父母答言是兒雖復無聲然其身根具足當知是兒必有福德非是不祥因為立字名曰無言時無言童子漸漸長大如八歲兒人所樂

見隨有說法轉法輪處樂往聽受口無所宣亦時無言與其父母眷屬宗親色欲二界之間往寶坊之中見佛及十方諸來菩薩生大喜心舍利弗曰佛言世尊師子將軍所生之子身根具足而不能語是何業致佛言不應輕是童子何以故是人即是大菩薩現已於

無量佛所種諸善根不退轉菩提之道是兒生時多有諸天來誠勅如前隨天教誨默然思惟獲得四禪示如是身則能調伏無量眾生以已願力神通道力令八部四眾各見右手有大蓮華猶如車輪色香具足微妙第一人所樂見一一華臺有一菩薩結跏趺坐三

盡八

七

十二相八十種好莊嚴其身無言見是大神通力低頭合掌稱南無佛陀諸華臺中一切菩薩同作是言十方恒河沙等世界六種震動虛空諸天以妙香華種種妓樂供養於佛亦時無言與諸菩薩踊在虛空高七多羅樹說偈讚佛

出大集經第十七卷無言經大同小異

常悲東行求法遇佛示導六

眾祐昔為菩薩名曰常悲見世佛法僧若世
 穢濁背正向邪華偽趣利猶蟻樂火以四等
 六度為求康之宅而世廢佛就彼危禍以自
 破碎也菩薩常為愁荒悲慟往昔佛名景法
 無穢滅度未久法滅都盡常悲夢見其佛為
 其說法菩薩聞之心垢消除入清淨定即棄
 妻子入山閑寂水果自供摧心哀號吾不值
 佛不見法僧大道極趣哀聲適訖天神下曰
 明士乃尔莫復哀號佛有大法名明度無極
 之明三世諸佛皆由斯成尔索之誦習其文
 懷識其義奉而行之尔必得佛常悲仰視曰
 當由誰聞斯尊法乎以何方便之何國土厥
 師族各天人報曰尔正東行無念色痛想行
 識意絕眾願執心無違吾教汝睹明度無極
 聖典常悲曰諾終始哉之天人重曰精進存
 之忽然不現菩薩受教東行索之數日即止
 深自思曰吾宿薄祐君臣憤憤無知佛者除

冥尊師去斯幾里精誠之至感上方佛來在
 其前諸天翼從歎菩薩曰善哉善哉尔世希
 有菩薩見佛且喜且悲誓首而言願佛哀我
 為吾說經佛告之曰三界皆空夫有必無萬
 物若幻一生一滅猶若水波觀世皆然慎無
 忘也自是東行二萬里有國名健陀越諸菩
 薩城也一國之內皆是上士無凡庸人欲為
 汝說菩薩之德劫數已盡其德有餘菩薩名
 曰法來於彼諸聖猶星中月懷諸經典反覆
 教人諸菩薩等受誦書讀是經原者必為尔
 師勸尔就之當為尔說常悲定悟左右顧視
 不復睹佛心悲流淚且云諸佛靈耀從何所

靈八

八

來而今逝焉出度無極集第七卷中

善信東行為求半偈履泥不溺七

善信菩薩於無法之世尋求正法空中聲曰
 其此東方一萬由旬彼有一國王名曰善任
 昔有如來出現於世久已滅度像法衰微有
 一女人生自卑賤形貌醜陋人世所無而髣

鬚能識半句一偈示有所傳能往問疑有一
淤泥縱廣萬里踐形即沒乃至鳥飛不能過
毫毛不能勝汝今因瘵手足斷裂云何而能
更復前進我聞踊躍馳走東行至淤泥所分
捨身命以軀自投本期陷沒我擲身時當身
所觸出一小路潔白脩直我踐其上無復衆
難經至彼國入善住城哀號自咎不覩世尊
見此女人處於卑陋屋室穿穴人形凡鄙而
我恭敬視如佛想瞻奉禮拜圍遶讚嘆仰請
女人以爲大師願垂教示得遂深信女人答
曰諸佛妙法無量無邊我之所聞唯一半偈
若欲聞者今便說之

諸惡莫作 諸善奉行

我聞此語身心清淨諸根寂靜自然調伏誦
習在心思惟其義洞達斯旨即獲神通飛還
本國遍宣此種以此功德我於佛法得堅固
信不可沮壞衆魔啓伏一切歸化未有此信
我常在生死爲衆生故開示此信令得奉行

靈八

九

出菩薩伏定
要行第一卷

一切世間現爲師婦所愛違命致苦八
舍衛城北去城不遠村名薩那有一貧窮婆
羅門女名跋陀羅腹生一子名一切世間現
少失其父厥年十二色力人相具足第一聰
明辯慧微言善說復有異村名頗羅訶私有
一舊住婆羅門師名摩尼跋陀羅善能通達
四毗陀經一切世間現從其受學謙從恭敬
盡心供養諸根純淑所受必持師受王請留
一切世間現守舍而去婆羅門婦年少端正
於世間現深生染心忽忘儀愧前執其衣時
世間現曰仁今便是我母如何而行非法內
懷愧悚捨衣遠避師婦欲盛泣淚念之曰忽
見斷絕不隨我意必不見從要斷汝命即以
指爪自攫其體行女人諂莊嚴其身以繩自
結足不離地夫還見婦以刀截繩高聲大叫
而問何故婦答是世間現強見凌逼作如是
事其夫思惟言世間現初生之日一切利利

所有刀劍悉自拔出利皆捲屈墜落于地時
 諸刹利威大恐怖其生之日有如此相當知
 是人有大德力語世間現汝是惡人毀辱所
 尊汝今非復真婆羅門當煞千人可得除罪
 世間現稟性敬從尊重師教即白師言嗚呼
 和上煞害千人非我所應師即謂言汝是惡
 人不樂生天作婆羅門耶答言和上善哉奉
 命即煞千人還禮師足師聞見已生希有心
 汝大惡人故不死耶復作是念言今當令死
 而告之言煞一一人人取一指煞千人已取
 指作鬘冠首而歸然後得成婆羅門以是因
 緣名央掘魔羅即白師言善哉和上受教即
 煞千人尚少一耳時央掘魔羅母念子當飢
 自持四種美食送往與之子見母已作是思
 惟當令我母得生天上即便執劍前欲斷命
 去舍衛國十由延少一丈於彼有樹名阿輸
 迦時佛以一切智如象王來央掘魔羅既見
 世尊執劍疾往作是念言我今復當煞是沙

靈八

門世尊示現避去央掘魔羅而說偈言
 任任大沙門 白淨王太子 我是央掘魔
 今當稅一指
 亦時世尊以偈答曰
 任任央掘魔 汝當任淨戒 我是等正覺
 輸汝慧劍稅
 時母見佛與央掘魔羅往反苦論子心降伏
 縱身垂念故說偈云
 父失寶藏今還得 塵穢壞眼今明淨
 哀哉我子心迷亂 常以人血自塗身
 極利刀劍恒在手 多煞人衆成屍聚
 當令此子隨從我 今敬誓首等正覺
 多人見罵難聽聞 汝子如是切責我
 出央掘魔
 羅第一卷
 焰光行吉祥願遇女人退習家業九
 過去無數劫時有一學志名曰焰光處于林
 藪行吉祥願已四百二十萬歲修行無礙入
 沙竭國有陶家女見此學志姿兒姝好欲意

隆崇即自投之學志報言吾不樂欲女曰設不然者吾將自殘焰光自念吾護禁戒今若毀之非吉祥也離之七步乃發慈悲毀犯禁戒墮地獄罪若不如是女自殘賊寧令斯女以致安隱吾當安忍地獄之痛焰光即還從女所欲退習家業十有二年壽終之後生梵

蓋八

十一

天上佛言欲知爾時焰光學志豈異人乎則吾身是陶家女者即瞿夷也出慧上菩薩經上卷

題耆羅那賴提耆二人共爭令五日闇冥十昔有兩菩薩志清行淨內寂無欲表如天金鑿石為室閑居靖志葢衣草蓆食飲泉水清淨無為志若虛空四禪備悉得五通智梵釋仙聖諸天龍鬼靡不誓首處於山澤六十餘年悲愍衆生敬奉三尊一名題耆羅二名那賴提耆夜興誦經疲極卧出那賴時亦誦經誤蹈題耆羅首題耆羅即興言而曰誰蹈吾首者明旦日出破尔之首以為七分那賴曰

誤蹈尔首呪誓何重瓦器之類尚有相觸豈況於人共處終年而不誤失尔言常誠明且日出吾首必破吾當制日不令得出日遂不出五日之間舉國幽冥炬燭相尋衆官不修君民惶惑悉會羣僚請諸道士王曰日之不出其咎安在道士之中有五通者曰山中道士兩有微諱制不令出王曰奈何答曰王率羣僚民無巨細詣于彼耆首和解彼必慈和王即有詔詣于山澤叩頭曰國豐民寧二尊之潤而今不和率士失所其咎在我黎民無過願愍赦之那賴曰王勤喻曉彼意彼意解者吾放日出王之題耆羅所宜那賴旨即日令彼以泥塗首放日令出泥首即破為七分那賴無為王臣黎民靡不忻懌兩道士為王廣陳治國當以四等無盡之慈勸民奉五戒載十善行王及臣民僉然受戒王還國有詔曰人無尊卑帶五戒十善經以為國正自斯之後王潤逮草木臣忠且清佛吉諸比立

那賴者吾身是題耆羅者彌勒是出度無極集第七卷

樂法菩薩捨寶飾以易一偈十一

過去世時有一菩薩名曰樂法生長王家所聞善言皆寫讀誦為求法故遊諸國邑時有一人住深坑側語樂法言王來我當相與佛

靈八

十二

所說偈菩薩答曰汝持與我是人又曰與我寶衣摩尼瓔珞然後相與菩薩許之是人貪心增長又言若能與我得聞佛偈投此深坑能如是者當先立誓然後為說王子答言出哉仁者汝欲令我投此深坑為得何利是人答言我無所得但恐王今捨此寶物既因得

聞便生悔心恃豪勢力而還奪我王子答言汝但說之我終不悔施汝寶物者亦投深坑是人聞誓為說佛偈菩薩即與寶衣摩尼瓔珞又立誓言若我誠心捨此無悔以是實語當令我今從高墜下安隱平住無所傷損作是誓已便自投身未到地頃四天王來徐接

置地日佛所說偈甚深微妙有大利益是人亦從高而下到菩薩所作如是言王子希有能為難事欲求何法菩薩答言我以是事當得佛道發四弘誓是人聞已便生信心語菩薩言還王寶衣真珠瓔珞正是王且答言猶如棄吐豈可還食是人白言若不還取願受

我悔後作佛時當見救度樂法王子者即舍利弗是也時說偈者即和伽利是

出清淨分衛經上卷重檢未相應

為聞半偈捨身十二

善男子乃昔過去佛日未出我於爾時作婆羅門修菩薩行悉能通達外道經論修寂滅

靈八

十三

行具足威儀其心清淨不為外欲所能破壞滅瞋恚火受持常樂我淨之法周遍求索大乘經典乃至不聞方等名字住於雪山繫心坐禪經無量歲修難行苦行爾時釋提桓因自變其身作羅刹像形甚可畏下至雪山去其不遠而便立住是時羅刹心無所畏勇健

難當辯才次第其聲清雅宣過去佛所說半偈
諸行無常 是生滅法

說已便住所現形兒甚可怖畏顧眄遍視觀
於四方是苦行者聞是半偈心生歡喜即從
座起以手舉髮四向顧視而作是語向所聞
偈誰之所說尔時四顧不見餘人唯見羅刹

即說是言誰開如是解脫之門誰能雷震諸
佛音聲誰於生死睡眠之中而獨覺寤唱如
是言誰能於此示導生死飢饉衆生無上道
味無量衆生沉生死海誰能於中作大船師
是諸衆生常爲煩惱重病所纏誰能於中爲
作良醫說是半偈啓悟我心猶如半月漸開

蓮華我於尔時復作是念將是羅刹說是偈
耶覆復生疑或非其說何以故是人形容甚
可怖畏若有得聞是偈句者一切恐怖醜陋
即除何有形兒如是能說此偈善男子我於
尔時復作是念而此羅刹或能得見過去諸
佛從諸佛聞說是半偈即至羅刹所言善哉

大士汝於何處得是過去離怖畏者所說半
偈即答我言大婆羅門汝今不應問我是義
何以故我不食來已經多日處處求索了不
能得飢渴苦惱心亂謬語非我本心之所知
也我時即復語羅刹言大士若能爲我說是
偈竟我當終身為汝弟子汝所說者名字不

終義亦不盡以何因緣不欲說耶夫財施者
則有竭盡法施因緣不可盡也法施無盡多
所利益羅刹答言汝智太過但自憂身都不
念我飢苦所切實不能說我即問言汝所食
者爲是何物羅刹答言汝不須問我若說者
令多人怖我復語言此中獨處更無有人我

不畏汝何故不說羅刹答言我所食者唯人
暖肉其所飲者唯人熱血世雖多人皆有福
德兼爲諸天之所守護而我無力不能得然
我復語言汝但具足說是半偈我當以身奉
施供養我設命終如此之身無所復用當爲
虎狼鴟梟鷹鷲之所取食而復不得一毫之

福我為求佛捨不堅身以易堅身羅刹答言
誰當信汝為八字故棄所愛身我即答言如
有人施人瓦器得七寶器我捨不堅身得金
剛身大梵天王釋提桓因及四天王能證是
事復有天眼諸菩薩等為欲利益無量眾生
修行大乘具六度者亦能證知乃至十方諸

佛羅刹即說

生滅滅已 寂滅為樂

羅刹說言菩薩摩訶薩汝今已聞具足偈義
汝之所願為悉滿足若必欲利諸眾生者時
施我身我於爾時深思此義然後處處若石

若壁若樹若道畫寫此偈即便更繫所著衣裳
恐於死後身體露現即上高樹自投樹下下
未至地時虛空中種種出聲其聲乃至阿迦
尼吒今時羅刹還復釋形即於空中接取我
身安置平地以是因緣便得超越足十二劫
在彌勒前成阿耨多羅三藐三菩提

卷八

十五

出經無經
第十三卷

久修忍辱割截不憂十三
問曰菩薩身非木石云何眾生來割截之不
生異心答曰有人言菩薩久修羸提波羅蜜
故能不愁惱如羸提仙人被截手足血皆為
乳有人言菩薩無量世來深修大慈故雖有
割截亦不愁憂譬如草木無有瞋心有人言
菩薩深修般若波羅蜜轉身得般若波羅蜜
果報空心故了了知空割截身時心亦不動
如外物不動內亦如是般若果報故於諸法
中無所分別有人言是菩薩非生死身是出
三界法性生身住無漏聖心果報中故身如
木石而能慈念割截者是菩薩能生如是心
故割截劫奪內外法時其心不動是為菩薩
希有之法我以佛眼見十方如恒河沙等世
界中菩薩入地獄中令火滅湯冷以三事教
化眾生於無量阿僧祇劫深行慈心外物給
施意猶不滿以身布施亦乃足滿如藥王菩
薩外物珍寶供養於佛意猶不滿以身為燈

尔乃足滿外物雖多不以爲恩所以者何非
所重故得其身時乃能驚感是故身施出大智論

第八
十卷

賣身奉佛聽涅槃一偈割肉無瘻十四

我念過去於無量劫尔時世界各曰婆塞有
佛出世号釋迦文爲諸大衆說大涅槃經我

於尔時從善友所聞當爲說法我聞是已心
懷歡喜欲設供養居貧無物周行賣身冀有
微獲乃於路間見有一人吾欲買人但家作
業人無堪者吾有惡病良醫處藥應當日服
人肉三兩卿若能以身肉三兩日日見給便
當與汝金錢五枚我時聞已心大歡喜即復
語言汝與我錢惠我七日須我事訖便還相
就其人荅言七日不可審能尔者聽汝一日
我於尔時即取其錢還至佛所頭面禮足盡
以上佛然後誠心聽受是經我時聞鈍雖得
聞經唯能受持一偈即便還至彼病人家我
時雖復日日與肉以念傷故不以爲痛足滿

重八

十六

一月以是因緣其病得瘥我身平復亦無瘡
瘻我時見身具足完全即發無上菩提之心

一偈之力尚能如是何況具足受持讀誦我

見此經有如是利復倍發心願後成佛字釋

迦文出涅槃經
第二十卷

爲聽法華經大地震裂踊現空中十五

尔時如來說法華經諸餘菩薩請欲護持佛

即止之云下方國菩薩無量無數因地震裂

同時踊現住虛空中詣七寶塔多寶如來釋

迦文佛向二世尊頭面作礼出法華經
第五卷

爲王採華遇佛供養十六

昔者世尊遊羅閱祇時王使數十人常採好

華一日之後大小貴人姝女俱出城外採華

欲還入城遙見世尊相好威光巍巍無量猶

星中月若日初出照于天下與弟子菩薩前

後圍遶即往佛所稽首爲禮心自念言人命

難保佛世難遇經法難值今遭大聖猶病得

醫我既貧賤加屬縣官鞫役之患恒不自從

國王嚴急王給採華常以早進設失時節或能見誅聖眾難遇億世時有寧棄身命以華上佛并散聖眾因受經戒聽察深法無窮之慧我從無數劫為人所害不可稱載未曾為法而不惜命今供世尊三寶之華縱使見害不墮苦痛必生安處却自歸命一心重禮佛

靈八

十七

知其念發大道意甚慈愍之具為敷講大樂之法六度無極四等四恩三脫菩提諸採華人皆發道意心解佛慧至不退轉無所從生佛即授決後當得佛号曰妙華十号具足其邊人間莫不怡悅啓受大法供養三寶時採華人還歸家中與家二親妻子辭別我命今盡為王見煞父母愕然問何罪咎諸子具答王大嚴急既違失時復無有華必見危命故辭別耳二親聞之益以愁感當奈之何發篋視之滿中好華須曼雜香遠徹四面父母告曰可以進王諸子各曰眾人見之必傳白王又復違時恐不得安時王大瞋見不時來復

散眾華遣兵收取則受王教反縛入宮罪當棄市諸人不恐面色不變王怡問之汝等罪過命在不測縛來當煞何故不懼面色不改即白王曰人生有死物成有敗我從無數劫每以非法不惜身命朝早採華道遇世尊以華供上誓首歸命知違勅當死寧以有德而死不以無德而存還視華篋續滿如故皆是如來恩仁所覆王以問佛佛亦言然王曰此人至心欲度十方不惜身命故取眾華以散上佛意無想報已得受決將來成佛号曰妙華王大歡喜疾解眾縛悔過自責愚意不及繫縛菩薩佛言善哉善哉能自改者與無過

同出采華連王上
佛授決妙華經

持戒發願防之十七

善男子菩薩受持禁戒先作是願寧以此身投於火坑終不毀犯三世佛制與諸女人而行不淨寧以熱鐵纏身終不敢以破戒之身而受信心檀越衣服寧以此口吞熱鐵丸終

不敢以毀戒之口食信心檀越飲食寧卧大
熱鐵上終不敢以破戒之身受信心檀越床
卧敷具寧以此身受三百銖終不敢以毀戒
之身而受信心檀越醫藥寧以此身投熱鐵
鑊終不敢以破戒之身受信心檀越房舍屋
宅寧以鐵椎打破此身從頭至足令如微塵

盡八

十八

不以破戒之身受諸刹利婆羅門居士恭敬
禮拜寧以熱鐵挑其兩目不以深心視他好
色寧以鐵錐周遍刺身不以染心聽好音聲
寧以利刀割去其鼻不以染心貪嗅諸香寧
以利刀割裂其舌不以染心貪著美味寧以
利斧斬斫其身不以染心貪著諸觸何以故
以是因緣能令行者墮於地獄畜生餓鬼迦
葉是名菩薩摩訶薩護持禁戒悉以施與一
切衆生以是因緣願令衆生護持諸禁得清
淨戒善男子菩薩修是戒時即得住於初不
動地如須彌山隨藍猛風不能令動菩薩住
是地中不為色聲香味所動不墮地獄畜生

餓鬼不退聲聞辟支佛地不為異見邪風所

散出涅槃經
第十一卷

初發心便勝二乘十八

發心菩薩有一種一者行諸波羅蜜二者但
空發心行菩薩道者雖事未成能勝一切如
歌羅頻伽鳥雖在知中未能發聲已勝諸鳥

如一六通羅漢將一沙彌令負衣鉢沙彌念
言當以佛乘入於涅槃師知其念即取衣鉢
自擔推沙彌在前沙彌覆復思惟佛道甚難
久任生死受無量苦且以小乘早入涅槃師
復以鉢囊還與沙彌令擔語在後行如是至
三沙彌白師師年老耄狀如小兒師即荅言

盡八

十九

汝初發心作佛是心貴重位是我師諸辟支
佛尚應供養何況羅漢是故推汝在前汝心
還悔欲取小乘而未便得去我懸遠是故令
汝在後沙彌驚悟即任大乘出大智論卷
第七十八
三小兒施佛二發小心一發大心十九
過去無數劫有佛号一切度與其眷屬俱行

分衛有二尊者子嚴服共戲見佛及諸菩薩
 光明巍巍互相指示而吾等當共供養二兒
 荅言既無華香當用何等物其一兒脫頭上
 白珠以著手中便謂二兒是可以供佛二兒
 効之亦解頭上白珠著其手中即至佛所一
 兒復問二兒持是功德以何求索其一兒言
 願如佛右面尊比丘其一兒言願如左面神
 足比丘共問一兒報言我欲如佛八千天子
 皆言善哉若如所言天上天下一切蒙恩是
 三小兒已到佛前各以白珠而散佛上二兒
 發聲聞意者珠在佛肩上其一兒發菩提心
 者珠在佛頭上化為珠華交露之帳其中有
 佛佛告舍利弗中央兒者即我身是右面之
 兒舍利弗是左面之兒目連是舍利弗等
 本畏生死故不發菩薩心欲疾沉痼此一
 兒發阿耨多羅三藐三菩提心者出阿闍世
 經上卷
 幼年為鬼欲所迷二十
 昔者菩薩時為凡人年始十六志學弘深達

眾經曲喟然歎曰唯有佛經最真最如吾當
 懷其真處其自安矣親欲為納妻悵然而曰
 妖禍之盛莫大乎色若妖蠱一臻道德喪矣
 吾不遁邁將為狼吞乎於是遂之異國力賃
 自供時有田翁老而無嗣草行獲一女焉顏
 華絕國欣育為嗣采男為偶一國無可翁者
 菩薩賃積五年觀其操行自微至著中心嘉
 焉曰童子吾居有足以女妻介為吾嗣矣女
 有神德惑菩薩心納之無幾即自覺曰吾觀
 諸佛明化以色為火人為飛蛾蛾貪火色身
 見燒煮斯翁以色火燒吾躬財餽鈎吾口家
 穢喪吾德矣靈八夜默道邁行百餘里依空亭宿
 亭人曰子何人乎曰吾欲寄宿耳入觀床褥
 先自有婦人焉顏似已妻惑菩薩心與之共
 居復積五年明心覺焉曰媼為蠶虫殘危身
 命默而疾邁又觀婦人與居十年又明覺曰
 吾殃重矣奔而不免深自誓曰終不寄宿又
 復遁逃遙覩大屋避之草行守門者曰何人

